

涇陽縣志卷二十五

列女傳下

身不可虧視死如歸嗚呼女子如斯也貞媛守義賢母貽教皆足以愧鬚眉述列女傳下第七

明

張四桂張倉女也倉早故四桂與母李氏居年十八為對鄰王宰所悅時以言挑之四桂心畏惡密以語母已而母之田間從外肩其尸宰知踰牆入強之四桂據其炕欄欄毀身終不移宰用錘斷其頭而去萬歷間崇祀烈女祠

劉氏張恩妻恩死劉痛哭不食積七日亦死事聞旌表

王氏生員魏龍光妻年十九夫亡縊死柩傍萬歷間旌入祠

王氏生員張紹祖妻年二十一夫病篤執其手欲有言氏知其誓

涇陽縣志

卷二十五

列女傳下

不再適夫暝恐舅姑奪志痛哭不食七日死萬歷間旌入祠

魏氏生員樊鼎妻年二十一夫被流賊所獲氏長跪乞夫生賊不

許殺其夫氏輒投井救出誓不受污而死時崇貞丙子時也事聞

旌表康熙間入祠

與前張倉女張氏魏龍光妻王氏張紹祖妻王氏魏允蕃妻岳氏同登縣街節烈坊

羅氏郭來輔妻崇貞己巳賊至懼辱匿崖洞間賊縱火焚之同匿

者爭趨出氏獨赴火死

有詩見藝文

姚氏曹登祿妻崇貞己巳義不從賊投崖而死

馬氏王福盛妻崇貞己巳為賊所掠堅不失節投井死

楊氏甯一鵬妻崇貞己巳賊掠不從投井而死

潘氏王進祿妻崇貞己巳賊至被擄欲污之氏拔刀毀面墮崖死

楊氏王三有妻崇貞乙亥九月流寇掠氏大罵不從賊怒斷兩臂

及股割其腹有犬守其殘骸逾二日瘞訖始去

韓氏師燮元妻賊掠不從大罵死之

王氏生員康嗣昌妻崇貞乙亥秋被賊掠罵不絕口賊怒殺之本縣旌其門

賈氏柴良卿妻崇貞乙亥秋流寇至良卿投井氏匿他所賊去氏尋夫知不可救遂避死井中

白氏牛象煜妻崇貞乙亥秋寇至被執誓不絕口賊怒焚之

于氏楊方妻訓導于徵女年十九歸視母而賊奄至強之行氏攀樹大罵賊怒殺之割其耳以去

趙氏梁爾翰妻聞賊近自縊督學旌其門

陳氏王三統妻流寇至氏投井賊去鄰人引出賊又至復投井死何氏監生王運昌妻年二十流寇令氏入廚爲具氏知不免以厨刀自刎死

涇陽縣志

卷二十五

列女傳下

二

張氏韓爾訥妻賊攻堡陷氏避居高樓賊焚樓氏有子方襁裸跪乳母曰吾家僅有此子爲韓氏一線之脉好爲撫子語畢墜樓死任氏任盡禮女年及笄寇至掠之以行女陽爲從行見一井投之賊怒下石遂死

李氏焦希商妻賊臨堡城自縊死有扁旌其門

何氏父承怕年及笄未字流寇至隨母避窰中賊焚窰搜獲母子俱不從賊怒並殺之

李氏張佐妻流賊喜其少而有姿與一扇氏佯受之給至井傍賊覺坐井上忽有傳賊語者賊起應氏卽投井死

楊氏李魁吾妻流賊偷至迫之行氏不從賊牽髮以行比見賊魁以甘言令縫襪又不從賊怒刃之

茹氏生員韓鼎妻年十六流寇悅之令乘馬氏張目大罵賊猶豫

未忍殺傍一賊持刀斷其首

齊氏牛應麟妾寇至擣子象煌避樓中賊攻樓不下焚之氏推子墜樓得生氏自焚死

屈氏周仕璉妻崇禎甲申賊掠馬上罵不輟口賊怒殺之

王氏王養心女年及笄見寇劫掠投井死

陳氏王三秀妻爲賊所獲大罵而死

呂氏王之臣妻賊強挾馬上由馬躍下者三賊怒其不從殺之

井中烈婦明末賊掠永昌堡有二婦墜樓不死復投井死一楊氏

三原秦某妻事載三原志一氏今第呼爲井中烈婦云

李氏劉澤溥妻結褵甫十日歸母家路遇流寇掠上馬氏奮力躍下罵不絕聲賊怒殺之

李氏趙邦堅妻堅應童試失期懼父母督責自縊死氏剪髮入棺

涇陽縣志

卷二十五

列女傳下

三

以殉哭泣絕食越十四日死

袁氏監生劉顯祖妻年十九夫亡矢志守節值流寇肆掠氏懼辱泣以幼子付老僕自投井賊聞義而舍之傷左足終身殘廢子繼業妻曹氏經業妻鄧氏後俱以節著

國朝

王氏戶部郎中韓望妾望卒氏號泣七日經死婢紫燕亦哀痛絕食死氏素蓄一貓亦觸棺死

韓二姐邑民韓禮女與白忠和次子洪娃童養爲婦性慧而貞年十七尙未合卺雍正九年八月二十五日忠和父子五更出往田二姐肩戶入厨炊飯適嫂馬氏新產卧樓上睡覺屢呼二姐不應強起下樓視之二姐已殺死地上和有族姪白恒同室居喚之不應急喊鄰人啟其戶恒自縊死克刀在恒炕洞內始知二姐拒恒

之行強而被殺也因宛身死無人証據未蒙 題旌邑令表其門

李氏劉廣妻惡棍李金昇欲污之氏引刀自割因救得不死憤甚

復投縋節烈之氣凜凜如生乾隆三十七年 旌 以上烈女烈婦舊志

費氏名祿玉王智妻少養于智家奉母甚謹智以積債鬻氏氏投

崖未死旋赴涇水殞命時年十九歲前縣令郭題其墓道光十六

年 旌

張氏安輝吉妻輝吉偶赴縣未歸吉堂叔應元夜入室強姦不從

用刀刺身氏死復甦村人集視氏曰應元殺我遂絕氣已入祠

張氏李棟妻 道光十七年縣給匾

元

劉氏吳君璽妻未配而夫亡氏誓死守節甘貧織紡杜門不出三

歷饑饉草蔬木皮以度殘年終不失其所焉

涇陽縣志

卷二十五

列女傳下

四

明

高氏劉居仁妻居仁入蜀迎父久不歸母娶氏於家以待後蜀申

兵變父子俱死訃聞姑令改嫁不從孝姑守節年七十卒 以上貞女舊志

國朝

韓氏幼字里民董景景外出流落不歸氏年及笄念景父母老無

依竟歸董力貧代養或傳景客死招魂制服誓不再適既送翁姑

喪寄食叔嬸家立堂姬文顯為嗣亦能孝養道光十六年 旌

姚氏張鏐妻夫故時氏年二十一尙未嫁也素服奔夫喪守節終

其身乾隆五十七年 旌

王社姐王居正女年十五嫁孫氏子其姑故娼也社姐婚夕一人

華服入房氏締視非日中合鬻者堅閉房不納姑百計誘之不可

嚴拷逼時取竹簽搽十指血淋淋印壁上皆成手跡或至烙以鉄

箸社姐終不爲所奪齋志數十日亡居正訟之官置孫全家法  
吳燕支臨涇鎮吳武連女年十三以不受劉裁縫污被殺時大暑  
數日屍不腐前令邵捕劉裁縫置之法未請 旌  
晏貞女李九春妻少養於李家未成禮九春出走巴里坤數年訛  
傳已死翁令改適女不可及翁與嬸相繼歿鬻產營葬貧無立錫  
親鄰勸嫁志終不奪邑孝廉牛振聲嘉女節撰事畧貽鄉人之有  
事於西域者榜通衢九春見之泣即日治裝歸始合卺焉時貞女  
年已四十矣

某氏朱三妻三偶出婦獨居鄰某瞰婦色夜蒙狗皮抓門婦以爲  
大也納之則某執刀携酒立燈下強求合婦許之飲以酒某置刀  
案上飲畢解衣婦遽取刀力斫之中某右手五指負痛裸而遁  
國朝

涇陽縣志

卷二十五

列女傳下

五

彭氏邢守瑜妻夫故遺子三長璵次玫次璉俱幼延師訓讀教養  
成名璵年二十四爲連平牧屢迎不就常郵書以清勤戒有陶母  
風慈惠樂施遇歉歲出貲糴粟按口投食保全甚多貧老無倚及  
無力婚葬者周恤罔間焚借券約以千計故海寧陳相國獎其堂  
曰貞松慈竹以子璵官思恩知府封宜人晉封恭人

南氏王采妻調恤貧乏里黨賢之壽八十道光間蒙 賜粟帛  
任氏王天桂繼妻懷清守潔慕義善施乾隆十八年重修堡垣望  
樓費銀六百七十餘兩又自代閭里完積欠糧約共七百餘金每  
遇飢年散糧接濟焚券約二千餘金他若助資婚喪澤及枯骨修  
橋梁卹孤寡種種義舉里黨尤稱頌 以上賢母

附封贈

古無紀女封贈者但旣膺寵錫必有隱德存焉故附記之